

U skladu sa zaključcima sa 22. vanredne sjednice Senata Univerziteta u Sarajevu od 11. III 2020. godine, kao i uputa izdatih od strane nadležnog Ministarstva obrazovanja, nauke i mladih Kantona Sarajevo, od 12. III 2020. godine, obustavlja se klasični oblik održavanja nastavnog procesa “u učionici”, te se prelazi na u ovom trenutku alternativne oblike nastave. Zadužuju se rukovodioci i uposlenici Elektrotehničkog fakulteta Univerziteta u Sarajevu – nastavno i nenastavno osoblje, osim onih iz rizičnih kategorija i onih sa manifestnim simptomima respiratornih infekcija, na pojačan rad na radnom mjestu, ali po potrebi i od kuće. S obzirom na veliki broj različitih modaliteta na koji se redovna nastava odvijala na različitim predmetima (klasična predavanja, tutorijali s računskim zadacima, računarske laboratorijske vježbe, neračunarske laboratorijske vježbe sa specijalističkom opremom, itd.), kao i drastično različitog broja studenata na pojedinim predmetima, nemoguće je dati jednoobrazne upute, ali u nastojanju da se obuhvate svi pojedini oblici nastavnog procesa koji se izvode na Elektrotehničkom fakultetu u Sarajevu, s ciljem organiziranja nastavnog procesa, izdajem sljedeće

### **UPUTSTVO ZA ORGANIZIRANJE NASTAVNOG PROCESA U NOVONASTALIM VANREDNIM OKOLNOSTIMA**

1. Svi predmetni nastavnici dužni su da tokom sutrašnjeg dana (petak, 13. III 2020. godine) postavе na C2 sistem detaljne upute vezane za obaveze studenata na njihovim predmetima tokom trajanja vanrednih okolnosti.
2. Sve materijale vezane za planiranu nastavu u naredne dvije sedmice neophodno je postaviti na C2 sistem i učiniti dostupnim studentima.
3. Za sve vidove nastave za koje do sada nisu bili raspoloživi pisani materijali, isti su se obavezni sačiniti i učiniti dostupnim studentima u što kraćem roku, osim za one vidove nastave na kojima se izvođač odluči za izvođenje nekog vida interaktivne online nastave.
4. Na predmetima gdje za to postoji mogućnost, preporučljivo je da se organizira neka forma interaktivne online nastave. Kako će se precizno odvijati ta nastava, prepušta se predmetnim nastavnicima da organiziraju i odaberu, ali šta god da odaberu, dužni su postaviti detaljne i blagovremene upute o tome. Interaktivna online nastava dolazi u obzir za predavanja i tutorijale, kao i za računarske laboratorijske vježbe.
5. Poželjno je da se eventualna interaktivna online nastava izvodi u istim terminima kada je predviđena i klasična nastava. Dozvoljena su i odstupanja u opravdanim slučajevima, ali o tome je studente neophodno jasno, nedvosmisleno i blagovremeno informirati.
6. Predmetni nastavnici i saradnici obavezni su neizostavno biti dostupni studentima putem emaila, osobito u vrijeme koje je po rasporedu predavanja planirano za nastavu iz njihovih predmeta. Dozvoljena je i poželjna komunikacija putem raznih alternativnih vidova elektronske komunikacije.
7. Predmetni nastavnici su obavezni, u slučaju potrebe, biti dostupni za konsultacije uživo, uz prethodnu najavu zainteresiranih studenata.
8. O vidovima nastave koje će biti neophodno nadoknaditi po prestanku vanrednih okolnosti, studenti trebaju dobiti jasnu, nedvosmislenu i blagovremenu informaciju od strane predmetnog nastavnika. S obzirom da u ovom trenutku nisu poznate procjene o tome u kojem obimu i na koji način će biti realizirana nadokanda propuštenih nastavnih aktivnosti, preporučeno je da se takvi oblici nastave svedu na minimum, po mogućnosti samo na one oblike nastavnog procesa koji nužno zahtijevaju fizičko prisustvo studenata.
9. Predmetni nastavnici su obavezni studentima, bez odlaganja, jasno i nedvosmisleno pojasniti da li će ove vanredne mjere utjecati na način realizacije ispita, i ako hoće, na koji način.
10. Za nastavnike koji ne postupe u skladu s ovim uputstvom, posebno one koji do kraja sutrašnjeg dana ne postavе na C2 sistem tražene upute, smatrat će se da su počinili povredu radne discipline i podliježu odgovarajućim disciplinskim sankcijama.

D E K A N

Red. prof. dr Jasmin Velagić